



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Gs  
32  
387



387.3.3



**Harvard College Library**

FROM THE

**CONSTANTIUS FUND**

Established by Professor E. A. SOPHOCLES of Harvard  
University for "the purchase of Greek and Latin  
books, (the ancient classics) or of Arabic  
books, or of books illustrating or ex-  
plaining such Greek, Latin, or  
Arabic books." Will,  
dated 1880.)

Received 2 June, 1901





12916

# QUAESTIONES SCAENICAE.


---

SCRIPSIT  
DR. FELIX MUCHE.

---

LESNAE.  
TYPIS SCHMAEDICKEI.  
MDCCCLXXXVIII.

Ex 32,387



Constantius fund

# Quaestiones scaenicae.

---

## I.

### De actorum in Aiace Sophocleo aditu in scaenam atque decessu praenuntiandis.

Unum ex viris doctis adhuc illi quaestioni solvendae operam navasse scio R. Kuhlenbeckium, virum doctissimum.<sup>1)</sup> Viam autem atque rationem, quam ille vir doctus ingressus sit, prorsus improbandam esse censeo, cum certas quasdam leges, quibus poetae in fabulis fingendis usi essent, constituere studuerit. Existimabat enim actores, antequam introirent scaenam, praenuntiatos non esse nisi liberorum partes agerent<sup>2)</sup>: item actores praenuntiatos non esse, primum cum portis in pariete ductili exstructis — de quibus in commentatione mea „de re scaenica fabulae Sophocleae, quae Ajax inscribitur, Vratislaviae 1879“ composita<sup>3)</sup> iam accuratius egi — in scaenam prodirent<sup>4)</sup>, deinde cum magna perturbatio exsisteret, aut res celeriter agendaessent<sup>5)</sup>, tum cum personae ex latebris procederent<sup>6)</sup>, denique si actores ab actoribus aut a choro vocati in scaenam prodirent, eos praenuntiari non oportuisse.<sup>7)</sup>

Quas leges si quis examinaverit, intellet Kuhlenbeckium nulla ratione ac disciplina adhibita parum accurate in eam rem inquisivisse, quippe qui non satis rationem sententiarum atque fabularum dispositionem perspiceret, sed singulis locis, quibus actores aut praenuntiabantur aut non praenuntiati scaenam adibant, collectis in universum de personis praenuntiandis iudicium ferret. Mirum quoque videtur, quod actores vocatos et praenuntiatos secernit: neque enim minus vocando quam praenuntiando spectatores de

---

<sup>1)</sup> R. Kuhlenbeck „Ueber die Ankündigung des Auf- und Abtretens der Personen in den Dramen des Sophokles.“ Weinheim 1869.

<sup>2)</sup> Kuhlenbeckius l. l. p. 5.

<sup>3)</sup> l. l. p. 10.

<sup>4)</sup> Kuhlenbeckius p. 9.

<sup>5)</sup> Kuhlenbeckius p. 14.

<sup>6)</sup> Kuhlenbeckius p. 15.

<sup>7)</sup> Kuhlenbeckius p. 7.



personis in scaenam progressuris certiores fiunt. Quod vero vir doctissimus dicit nisi liberos praenuntiatos non esse a choro<sup>1)</sup>, propterea quod chorus ex liberis compositus sit, prorsus errat, cum nihil intersit, utrum liber an servus in scaenam prodeat, sed utrum homo maioris an minoris dignitatis gravitatisque sit progressurus.

Itaque cum leges, quibus poetae usi sint, nullo pacto possint requiri, causas, quibus poeta in Aiace fabula componenda adductus sit, ut aut actores introituros praenuntiatos aut actores e scaena egressuros sese esse abituros praenuntiantes induceret, indagemus!

Ulixes et Minerva praenuntiari non possunt, cum nemo aut in scaena aut in orchestra adsit, antequam illi procedant. Idcirco poetae alio modo prospiciendum erat, ne spectatores de illis in dubio essent. Quod ita effecit, ut actores se ipsos appellantes faceret.

Minerva enim Ulixem, Ulixes Minervam alloquitur his verbis:

vers. 1. *Ἄει μὲν, ὦ καὶ Λαρτίον, δέδορξά σε  
πεῖραν τιν' ἐχθρῶν ἀρπάσαι θηρώμενον·  
καὶ νῦν ἐπὶ σκηναῖς σε ναυτικαῖς ὄρω  
Αἴαντος, ἔνθα τάξιν ἱσχύτην ἔχει,  
πάσαι κυνηγετοῦντα καὶ μετρούμενον  
ἔχρη τὰ κείνου νεοχάραχθ', ὅπως ἴδῃς  
εἴτ' ἔνδον εἴτ' οὐκ ἔνδον.*

et vers. 14. *ὦ γ' ὅ γ' ἐγὼ Ἰθάκας, φιλότατης ἐμοὶ θεῶν,  
ὥς εὐμαθὲς σε, κἄν ἄποπτος ἦς, ὅμως  
φώνημ' ἀκούω καὶ ξυναρπάξω φρενὶ  
χαλκοστόμου κώδυνος ὥς Τυρονηϊκῆς.*

Qui ubi paululum collocti sunt, Minerva Aiace vocando in scaenam introitum praenuntiat:

vers. 73. *Αἴαντα φωνῶ· στείχε δωμάτων πάρος.*

vers. 89. *ὦ οὔτος, Αἴας, δευτέρον σε προσκαλῶ·  
τί βαὼν οὕτως ἐντρέπη τῆς συμμάχου;*

Quibus dictis Ajax in scaenam progreditur.

Haec quidem causa praenuntiandi intercedere mihi videtur, ut spectantium animi ad Aiace progressum intendatur, quoniam eius persona reliquas gravitate atque dignitate superat.

Atque ut Ajax progressurus praenuntiatur, ita se abiturum dicit his verbis:

vers. 116. *χωρῶ πρὸς ἔργον· [τοῦτο] σοὶ δ' ἐφίεμαι,  
τοιάνδ' αἰεὶ μοι σύμμαχον παρῆσθαι.*

Neque vero difficile est intellectu, cur Ajax se discessurum esse praenuntiaverit; nam quid in animo habeat, dicat necesse est, ut illa verba cum iis, quae Tecmessa choro paulo post de Aiace referat conectantur. In qua quidem re minoris momenti esse equidem arbitror, quod actor se abiturum esse praenuntiat, quam quod dicit, quid facturus sit. Intercedit igitur haec causa, ut illa actio cum sequente conectatur.

<sup>1)</sup> Kühlenbeckius p. 6.

Minerva autem et Ulixes se abituros esse non praenuntiant, cum nihil sit, cur, quae facturi sint, cognoscamus. Huc accedit, quod adhortatione deae dialogus optime finitur.

Versu 200. *ἐμοὶ δ' ἄλγος ἔστακεν* a choro recitato Tecmessa ex tentorio in scaenam prodit. Quam cum non videat, priusquam scaenam ipsam adierit, chorus praenuntiare non potest. Idcirco poeta chorum Tecmessae nomen appellan-tem] inducit:

vers. 208. *τί δ' ἐνήλλακται τῆς εὐμαρίας  
νῆξ ἥδε βάρος;  
παῖ τοῦ Φρυγιοιο Τελεύταντος,  
λέγ', ἔπει σὲ λέχος δουριάλιον  
στέρξας ἀνέχει θούριος Αἴας·  
ὥστ' οἷα ἂν αἰδρὶς ὑπέπαις.*

Simulatque Tecmessa, quae coniux fecisset, enarravit, ille in tentorio versatus spectantium animos in se convertit, cum exclamat:

vers. 333. *ὦ μοί μοι.*  
vers. 336. *ὦ μοί μοι.*  
vers. 339. *ὦ παῖ παῖ.*  
vers. 342. *Τεῦκρον καλῶ· ποῦ Τεῦκρος; ἢ τὸν εἰς αἶλ  
ληλητῆσει χρόνον; ἐγὼ δ' ἀπόλλυμαι.*

Quibus dictis chorus exclamat:

vers. 344. *ἀνὴρ φρονεῖν ἔοικεν. ἀλλ' ἀνοίγετε·  
τάχ' ἂν τιν' αἰδῶ καί τ' ἐμοὶ βλέψας λάβῃ.*

Atque Tecmessa dicit:

vers. 346. *ἰδοῦ, διοίγω· προσβλέπειν δ' ἔξεστί σοι  
τὰ τοῦδε πράγη, καὶ τὸς ὡς ἔχων κυρεῖ.*

Ajax igitur ipse illis exclamationibus, priusquam conspiciatur, spectatores certiores facit, ubi versetur. Praeterea ex chori et Tecmessae verbis dilucide patet Aiace in tentorio versantem conspectum iri. Quod cur poeta fecerit, facile intellegi potest. Etenim nullo pacto fieri potuit, ut porta tentorii sine ulla causa aperiretur. Quapropter poeta actionem ita instruxit, ut exclamationibus Aiace et verbis chori atque Tecmessae significaret, quae sequerentur. Iam igitur haec Tecmessae verba pertractanda sunt:

vers. 541. *ὦ παῖ, πατὴρ καλεῖ σε· δεῦρο προσπόλων  
ἄγ' αὐτὸν ὅσπερ χερσὶν εὐθύνων κυρεῖς.*

Deinde Ajax interrogat:

vers. 543. *ἔρποντι φωνεῖς ἢ λελειμμένῳ λόγων;*

Ac primum respiciendum est Eurysacem a Tecmessa vocari oportere, cum aliter apte fieri non potuerit, ut ille in scaenam produceretur. Neque difficile est intellectu, cur Tecmessa paulo post haec verba fecerit;

vers. 544. *καὶ δὴ κομίζεαι προσπόλων ὅδ' ἐγγύθεν.*

Ajax enim, quem post scaenam ductilem in eccyclemate versari in commentatione mea demonstravi<sup>1)</sup>, filium appropinquantem videre non potuit; quare ex Tecmessa quae-

<sup>1)</sup> l. p. 22 et sequ.

sivit, num ille veniret. Ad quae Tecmessa aliud sanc respondere non potest nisi filium iam a ministro afferri. Tecmessa igitur Eurysacem vocando praenuntiavit, ut actiones inter se conecterentur. Postquam chorus cecinit, Ajax, quem Tecmessa sequitur, ex tentorio in scaenam procedit. Qui ob eam causam praenuntiari non potest, quod neque ab actoribus neque a choreutis prius conspicitur, quam in ipsam scaenam prodiit. Recte igitur Kuhlenbeckius dixit personas, quae per portas in scaena ductili exstructas scaenam adirent, non praenuntiari. Sed hoc quidem addo, fieri posse, ut actores ipsi exclamationibus se introituros praenuntient, velut Ajax antea ipse exclamationibus se in eccyclemate conspectum iri praenuntiavit.

Ajax ut primum Tecmessa in tentorium rediit, ipse dicit se abiturum esse his verbis:

vers. 690. *ἐγὼ γὰρ εἰμ' ἐκεῖσ' ὅποι πορευτέον·  
ἡμεῖς δ' ἂν φράζω δρᾶτε, καὶ τάχ' ἂν μ' ἴσως  
πύθοισθε, καὶ νῦν δυστυχῶ, σεσησμένον.*

Quod cur dixerit, nunc indagemus! Scaenae exornatione mutata<sup>1)</sup> Ajax progreditur spectatores haudquaquam certiores faciens aut de illa regione aut, unde in eum locum pervenerit. Itaque nisi antea dixisset, quo abiret, nullus conexus cum antecedentibus exsisteret. Fortasse dicet quispiam Aiace, cum in eum locum pervenisset, commemorare potuisse, unde venisset. Sed poeta id quidem propterea evitasse mihi videtur, quod accommodatum non erat ad animi affectum Aiace, ut, priusquam se ipse necaret, spectatoribus exponeret, unde venisset.

Qui ubi abiit nuntius a Teucro missus post versum 718. recitatum in scaenam procedit. Quem a choro praenuntiari non oportet, cum id neque rerum conexus exigat, neque eius persona magnam dignitatem prae se ferat. Ipse autem, a quo missus sit, et quid velit, enarrat his verbis:

vers. 717. *ἄνδρες φίλοι, τὸ πρῶτον ἀγγεῖλαι θέλω,  
Τεῦκρος πάρεστιν ἄρτι Μυσίων ἀπὸ  
κρημνῶν· μέσον δὲ προσμολῶν στρατήγιον  
κυδάζεται τοῖς πᾶσιν Ἀργείοις ὁμοῦ.*

Quibus auditis chorus Tecmessam vocando praenuntiat his verbis:

vers. 784. *ὦ δαῖτα Τέκμησσα, δύσμορον γένος,  
ὄρα μολοῦσα τόνδ' ὅποι' ἔτι θροεῖ·  
Ξυρεῖ γὰρ ἐν χρεῖ τοῦτο, μὴ χαίρειν τινά.*

Ut enim antea Eurysaces a Tecmessa vocatus in scaenam ducitur, ita Tecmessa a choro vocatur, ut e tentorio egrediatur, quoniam aliter atque vocata apte tentorium relinquere non potuit, praesertim cum Ajax iussisset eam in tentorio deos implorare, ut ipsius vota audirent.

Versu 814: *τάχος γὰρ ἔργον καὶ ποδῶν ἅμ' ἔψεται* a choro recitato Tecmessa atque nuntius scaenam, choreutae orchestram relinquunt, ut Tecmessae mandata exsequantur:

<sup>1)</sup> cfr. dissert. m. p. 33 et sequ.

vers. 803. οἷ ἐγώ, φίλοι, πρόστη' ἀναγκαίης τύχης,  
καὶ σπεύσαθ' οἷ μὲν Τεῦκρον ἐν τάχει μολεῖν,  
οἷ δ' ἐσπέρους ἀγκῶνας, οἷ δ' ἀντηλλούς  
ζητεῖτ' ἰόντες τάνδρὸς ἔξοδον κακὴν.  
ἔγνωκα γὰρ δὴ φωτὸς ἡρατημένη  
καὶ τῆς παλαιᾶς χάριτος ἐκβεβλημένη.

Poeta enim Tecmessam haec iubentem facit, ut scaenae exornatio mutari possit. Scaena mutata Ajax procedit. Qui praenuntiari non potest, cum antea neque in scaena neque in orchestra quisquam versetur.

Aiace mortuo chorus in orchestram prodit. Quo facto Tecmessae vox, quae in Aiakis corpus inciderat, post dextram periactum auditur:

vers. 891. ἰὼ μοί μοι.

vers. 893. ἰὼ τλήμων.

Quae ubi audit, chorus haec dicit:

vers. 892. τίνας βοή παράνλος ἐξέβη νάπους;

vers. 894. τὴν δουρὲληπτον δύσμορον νύμφην ὄρω  
Τέκμησαν οἴκτιρ τῷδε συγκεκραμένην.

Quibus verbis chorus Tecmessam praenuntiat, id quod poeta non iis causis per-motus, quas adhuc attuli, fecit. Namque choro sane Tecmessae post dextram periactum versantis vox respicienda atque spectatoribus nuntiandum erat, quid post illam periactum fieret. Itaque re scaenica chorus adducitur, ut, quae spectatores non videant, significet. Itemque Teucer, priusquam in scaenam procedit, a choro praenuntiatur. Qui ubi Aiakis corpus vidit, haec exclamat:

vers. 974. ἰὼ μοί μοι.

Quibus dictis chorus appropinquantem his verbis praenuntiat:

vers. 975. σίγησον αὐδὴν γὰρ δοκῶ Τεῦκρου κλύειν  
βοῶντος ἄτης τῆσδ' ἐπίσκοπον μέλος.

Teucris iussu Tecmessa ad castra redit, ut Eurysacem arcessat. Iam vero exa-minemus, cur chorus Menelaum appropinquantem praenuntiaverit. Chorus enim regem prius animadvertit quam Teucer, id quod ex his verbis elucet:

vers. 1040. μὴ τείνε μακρὰν, ἀλλ' ὅπως κρύψεις τάφῳ  
φράζου τὸν ἄνδρα χῶ τι μυθήσῃ τάχα·  
βλέπω γὰρ ἐχθρὸν φῶτα, καὶ τάχ' ἂν κακοῖς  
γελῶν ἂ δὴ κακοῦργος ἐξίκοιτ' ἀνὴρ.

Quibus dictis Teucer interrogat:

vers. 1044. τίς δ' ἔστι; μὴν τιν' ἄνδρα προσλεύσεις στρατοῦ;

Atque chorus respondet:

vers. 1045. Μενέλαος, ᾧ δὴ τόνδε πλοῦν ἐστellaμεν.

Mihi quidem poeta eo modo spectatorum animos in Menelaum convertere voluisse videtur, cum minus aptum fuisset, si Menelaus subito in scaena conspectus esset. Menelaus autem ipse praenuntiat se e scaena egressurum esse his verbis:

vers. 1159. ἄπειμι· καὶ γὰρ αἰσχρόν, εἰ πύθοιτό τις,  
λόγοις κολάζειν ἢ βιάζεσθαι παρῆ.

Cui Teucer respondet:

vers. 1161. ἄφερπέ νυν· κάμοι γὰρ αἰσχιστον κλίνειν  
ἀνδρὸς ματαίου φλαῦρ' ἔπη μνθουμένου.

Quae dixisse mihi videtur, ut finem sermonum alternorum efficeret.

Qui cum abisset Teucer Tecmessam cum Eurysace in scaenam rediturum prae-  
nuntiat his verbis:

vers. 1168. καὶ μὴν ἐς αὐτὸν καιρὸν οἶδε πλῆστοι  
πάρεισιν ἀνδρὸς τοῦδε παῖς τε καὶ γυνή,  
τάφον περιστελοῦντε δυστήνου νεκροῦ.  
ὦ παῖ, πρὸσελθε δεῦρο, καὶ σταθεὶς πέλας  
ἐκέτης ἔφραψι πατρός, ὅς σ' ἐγείνατο.

Intercedit enim hoc loco illa causa, ut actorum partes, quibus, cum in scaenam prodierint, nihil dicendum sit, significantur, ne spectatores de illis personis in errorem incidant.

Deinde Teucer ipse prae-nuntiat se discessurum esse, ut sepulcrum Aiakis paret. Quod eum fecisse mihi persuasum est, ut omnes scirent, quae facturum esset.

Post versum 1222 recitatum Teucer non prae-nuntiatus in scaenam redit, cum nemo ignoret, unde veniat. Qui simulatque advenit, Agamemnonem appropinquantem prae-nuntiat his verbis:

vers. 1223. καὶ μὴν ἰδὼν ἔσπευσα τὸν στρατηλάτην  
Ἀγαμέμνον' ἡμῖν δεῦρο τόνδ' ὁρμώμενον·  
δῆλος δέ μοῖσσι σκαιὸν ἐκλύσων στόμα.

Quod poeta ita instituisse mihi videtur, ut Teucris reditus atque Agamemnonis adventus inter se necterentur. Denique Ulixes in scaenam procedit neque a choro neque ab actoribus prae-nuntiatus. Quod factum esse equidem opinor, quia Ulixem iam inter postrema Teucris verba scaenam adiisse mihi persuasum est. Chorus igitur, quippe qui eum prae-nuntiare non possit, alloquendo significat his verbis:

vers. 1314. ἄναξ Ὀδυσσεῦ, καιρὸν ἴσθ' ἐληλυθώς,  
εἰ μὴ ξυνάψων, ἀλλὰ συλλύσων πάρει.

Agamemnon versu 1373 recitato e scaena egreditur, etsi non prae-nuntiavit se abiturum esse. Neque enim, quae facturum sit, cognosci necesse est, cum ad rerum conexum non pertineant. Excusatur autem, quod abit, quippe qui Ulixi permiserit, ut, quod vellet, faceret. Ulixes denique ipse prae-nuntiat se abiturum his verbis:

vers. 1400. ἀλλ' ἤθελον μὲν· εἰ δέ μὴ ἔστι σοι φίλον  
πράσσειν τάδ' ἡμᾶς, εἰμ', ἐπαινέσας τὸ σόν.

Ulixi id dicendum erat, cum Teucer auxilium inimicissimi Aiakis repudiasset.

Quibus rebus pertractatis demonstrasse mihi videor poetam in prae-nuntiandis personis non certas quasdam leges secutum esse, sed nonnullis quibusdam causis interdum adductum esse, ut actores aut chorum histriones in scaenam introituros aut ex ea egressuros prae-nuntiantes induceret. Poeta enim, quantum fieri potuit, id agebat,

ut et personas accuratissime significaret spectantiumque animos ad eas converteret, et rationem sententiarum et conexum inter singulas actiones sollerter atque prudenter efficeret. Quo factum est, ut poeta actores sive chorum aut praenuntiantes, aut alloquentes, aut describentes eos actores faceret, qui in scaenam procedebant aut processuri erant, et quae manca re scaenica obscura videbantur, ipsis chori actorumque verbis atque actionibus sollerter conexis clara atque dilucida redderet.

---

## II.

### De distributione personarum inter histriones in tragoediis Sophocleis.

De virorum doctissimorum sentiis, qui in universum de distributione personarum in tragoediis Graecis egerunt, brevissime iam in dissertatione mea p. 44. et sequ. disputavi, attamen operae pretium esse puto de legibus, quae in distribuendis personis respiciendae sint, accuratius atque plenius disserere. In qua quidem re hac via atque ratione utar, ut leges, quas Richter in fine libelli sui composuit,<sup>1)</sup> recenseam atque, quid probandum, quid reiciendum, quid addendum sit, in medium proferam.

Hermannus enim, qui iam Richteri libellum recensuit,<sup>2)</sup> illas leges in universum minus examinavit, quam sententias suas, quas Richter repudiaverat, defendit. Atque primum quidem Richter hanc legem constituit, ut poeta in fabulis fingendis nisi suum ingenium non secutus neque parvo numero histrionum sit coercitus. Cuius sententiam aliquid veri habere concedo, attamen nullo pacto prorsus negari potest poetam interdum parvo histrionum numero in fabulis fingendis coercitum esse. Quem si omnino non respexisset, sane tam diligenter non cavisset, ne plures quam tres histriones una in scaena loquentes induceret, neque tam sollerter prospexisset, ut actores e scaena egredi aliasque partes suscipere possent. Namque ut exemplum afferam, Sophocles Tecmessam, postquam cum Eurysace in scaenam rediit (Ajax. vers. 1168) sane loquentem induxisset, nisi actor, qui antea eius partes egerat, alias partes subire coactus esset. Tecmessa enim inde a versu 1168 homini, qui vocatur „*πρόσωπον κωφόν*“ tribuenda est, id quod postea demonstrabo. Itemque Agamemnonem et Menelaum una in scaena loquentes fecisset, nisi exiguo histrionum numero coercitus esset. Quapropter equidem hanc legem constituendam esse censeo, ut poeta, quantum fieri potuit, ingenium suum sit secutus; attamen ei semper parvi histrionum numeri rationem habendam fuisse opinor, quo haud raro coaceretur.

Deinde Richter hanc legem proposuit, ut poeta, antequam fabula ageretur, personas inter histriones distribueret, tum ut poetis terni histriones ad fabulas agendas, chorus,

---

<sup>1)</sup> J. Richter. Die Verteilung der Rollen unter die Schauspieler in der griechischen Tragödie. Berlin 1842.

<sup>2)</sup> Jahrbücher für wissenschaftliche Kritik. Berlin, 1843. p. 387—435.

homines ad varia munera exsequenda tribuerentur. Quas res cum notissimae sint, non est, cur pertractemus.

Hanc quoque legem vir doctissimus statuit, ut illi tres histriones plerumque omnes fabulae agenda partes subirent, sed si personis distributis partes quaedam superessent, eae ab hominibus, qui chorago praebendi essent, susciperentur. Quae facta esse concedo, sed dubito, an a chorago illi homines dati non sint. Praeterea Richterius ostendit discernendum fuisse inter protagonistam, deuteragonistam, tritagonistam atque comprobare studet poetam, quantum fieri posset, fabulae partes inter histriones pro personarum dignitate atque artificio distribuisse. Sed fieri potuisse dicit, ut protagonistae et deuteragonistae personae suscipiendae fuerint, quae tritagonistae convenirent. Quae res cum adhuc non satis explicata mihi videatur accuratius examinanda est.

Ac primum quidem Hesychii, Suidae, Photii verba sub vocibus „νεμήσεις ὑποκριτῶν“ perspicenda sunt: *οἱ ποιηταὶ ἐλάμβανον τρεῖς ὑποκριτὰς κλήρῳ νεμηθέντας, ὑποκρινομένους τὰ δράματα· ὃν ὁ νικήσας εἰς τοῦτον ἀκριτος παρελαμβάνετο.*“

Quae verba ita interpretanda esse arbitror: poetae ternos histriones sortiebantur, inter quos fabulae personas distribuebant. Quorum is, qui optime partes suas egerat, in posterum a poetis indolem atque artificium eius non denuo experientibus eligebatur. Praeterea Plotini<sup>1)</sup> locus conferendus est: „ὥστερ ἐν δράματι τὰ μὲν τάττει αὐτὸς ὁ ποιητής, τοῖς δὲ χρῆται οὖσιν ἥδη· οὐ γὰρ αὐτὸς πρωταγωνιστὴν οὐδὲ δευτέρον οὐδὲ τρίτον ποιεῖ, ἀλλὰ διδοῖς ἑκάστῳ τοῖς προσήκοντας λόγους ἥδη ἀπέδωκεν ἑκάστῳ, εἰς ὃ τεύχθαι δεοί.“

Poeta igitur, quemadmodum indoles unicuique histrioni insita videbatur, personas inter histriones distribuebat. Sed quid sibi volunt illa nomina *πρωταγωνιστής, δευτεραγωνιστής, τριταγωνιστής*? Me quidem iudice cum alius histrio alium in personis agendis indole atque artificio superaret, factum est, ut inter optimos, bonos, malos histriones discerneretur. Itaque optimo cuique gravissimae fabularum personae summasque agendi difficultates praebentes tribuebantur, unde illis nomen „*πρωταγωνισταί*“ inditum est. Secundas igitur partes subeuntes „*δευτεραγωνισταί*“, tertias partes agentes „*τριταγωνισταί*“ appellabantur. Quod ita se habere colligi potest ex his Demosthenis<sup>2)</sup> verbis: „ἴστε γὰρ δήπου τοῦθ' ὅτι ἐν ἅπασιν τοῖς δράμασι τοῖς τραγικοῖς ἐξαίρετόν ἐστιν ὥστερ γέρας τοῖς τριταγωνισταῖς τὸ τοῖς τυράννοις καὶ τοῖς τὰ σκλητέρα ἔχοντας εἰσέναι. ταῦτα τοίνυν ἐν τῷ δράματι τοῦτῳ σκέψασθε, ὁ Κρέων Διοχλῆς οἷα λέγων πεποιηται ποιητῇ. .“ Demosthenes igitur testatur tritagonistis regum partes plerumque tributas esse, quippe quae non magnum artificium exigent. Aeschinem vero, cum Creontis personam, quae tritagonistae conveniret, suscepisset, ne eam quidem bene agere potuisse. Sed hoc imprimis respiciendum est Demosthenem vehementissimum adversarium Aeschinis fuisse, unde fieret, ut eius merita, quamvis posset, minueret. Etenim, qui accuratius Creontis partes in fabula Oedipi regis perlustraverit, sane intelleget, eius personam non ita comparatam esse, ut sine dubio tritagonistae tribuenda sit. Ex Demosthenis igitur testimonio illa virorum doctorum opinio velut C. F. Hermannii, Richteri, Schoenborni, aliorum fluxit Creontis personam tritagonistae esse attribuendam, quoniam non satis rationem habuerunt inimicitiarum Demosthenis et Aeschinis, sed Demosthenis verba vera esse putaverunt. Namque, quamquam mihi propositum non est, hoc loco de

<sup>1)</sup> Plotini Ennead. III. 2. 17. p. 484. ed. Creuz.

<sup>2)</sup> de falsa leg. § 247. cfr. editio. Th. Voemelii. Leipzig, 1862. p. 613.

personis fabuli Oedipi regis disponendis agere, id tamen commemorare liceat Creontis personam, si tritagonistae tribuenda sit, de qua re equidem valde dubitem, ei tantum tritagonistae tribuendum fuisse, in quo aliquid artificii atque indolis fuerit. Atque hoc quidem ex Demosthenis verbis concludi posse opinor non semper certum iudicium fuisse de primis, secundis, tertiis fabularum partibus, sed fieri potuisse, ut spectatores dissentirent, quae personae maiore, quae minore artificio histrionum egerent. Demosthenes enim hac re, quod regum personae plerumque minore histrionum artificio egebant, etsi splendore habitus alias superare videbantur, utebatur, ut Creontis partes, quas Aeschines egerat, tritagonistae convenire diceret, quo illius laudi obtrectaret. In eundem fere modum Demosthenes dicit: <sup>1)</sup> „σὺ δὲ μὴδ' ἦρω τὸν τυχόντα ἀλλὰ τοῦτων τῶν ἀπὸ τῆς σκηνῆς Κρεσφόντην ἢ Κρέοντα ἢ ὃν ἐν Κολύττιρ ποτὲ Οἰνόμαον κακὸς κακῶς ὑποκρινόμενος ἐπέτριψας.“ Unde patet Aeschinem partibus splendidissimis agendis gloriam sibi paraturum se speravisse. Demosthenes igitur, ut populus Aeschinis merita parvi aestimaret, demonstrare studuit primum personas fabulae splendidissimas non magno histrionis artificio egere, deinde Aeschinem ne illas quidem cum plausu populi egisse. Hoc enim dubitari nequit, quin Aeschines, cum Creontis partes ageret, a populo non valde collaudatus sit.

Itaque hoc statuendum esse censeo: nomine protagonistae optimum quemque atque praestantissimum appellatum esse, qui certe plerumque primas fabulae partes subiret, nomine deuteragonistae et tritagonistae significatos esse eos histriones, qui nondum ad summum artificium progressi plerumque secundas et tertias fabulae partes susciperent, inter spectatores vero interdum certum iudicium de secundis et tertiis partibus non fuisse, ita ut eandem personam alter deuteragonistae alter tritagonistae assignaret. Neque vero est, cur putemus protagonistam non interdum regum vel deorum personas subiisse. Quod factum esse a Luciano <sup>2)</sup> affirmatur: „οἱ ἐπὶ μὲν τῆς σκηνῆς Ἀγαμέμνων ἕκαστος αὐτῶν ἢ Κρέων ἢ αὐτὸς Ἡρακλῆς εἶσιν· ἔξω δὲ Πῶλος ἢ Ἀριστόδημος ἀποθέμενοι τὰ προσωπεῖα γίνονται ἐνύμισθοι τραγῳδοῦντες.“ et altero Luciani loco: <sup>3)</sup> „καὶ καταβὰς ἀπὸ τῶν ἐμβατῶν πένης καὶ ταπεινὸς περιέρχεται, οὐδέ τι Ἀγαμέμνων ὁ Ἰστέως οὐδὲ Κρέων ὁ Μενοικίως ἀλλὰ Πῶλος Χαρικλῆους Σουνικὸς ὀνομαζόμενος.“ Etenim veterum testimoniis affirmatur Polum et Aristodemum praestantissimos fuisse histriones. Hoc tamen in personis inter histriones distribuendis respiciendum est protagonistae primas partes, deuteragonistae secundas, tritagonistae tertias convenire. In quibus disponendis ratio non habebatur splendoris personae, sed artificii atque virtutis histrionis, quibus ad eas partes suscipiendas opus erat. Quod ita sese habere a Plutarcho <sup>4)</sup> affirmatur his verbis: „ἄπορον γὰρ ἐστὶ, τὸν μὲν ἐν τραγῳδίᾳ πρωταγωνιστὴν, Θεόδωρον ἢ Πῶλον ὄντα μισθωτῇ τῇ τὰ τρίτα λέγοντι πολλάκις ἐπεσθαι καὶ προσδιαλέγεσθαι ταπεινῶς, ἐὰν ἐκεῖνος ἔχη τὸ διάδημα καὶ τὸ σκῆπτρον.“ Denique Richterius hanc legem in medium protulit: poetas providisse, ut aut inter personas, quae cuique histrioni tribuebantur, sententiarum conexus quodammodo intercederet, aut illae prorsus diversae essent.

Quam sententiam Richteri perversam esse puto, cum poetam nihil antiquius habere oporteret, quam ut personas ita inter histriones distribueret, ut non idem histrio complures

<sup>1)</sup> Lucian. necyom. c. 5.

<sup>2)</sup> Lucian. necyom. c. 16.

<sup>3)</sup> schol. ad Luc. Jon. trag. c. 3: „Πῶλος δὲ καὶ Ἀριστόδημος ὑποκρίται περιφανεῖς· ὑπεκρίνοντο οὖν ἐν ταῖς τραγῳδαῖς καὶ κωμικαῖς τοῖς θεοῖς.“

<sup>4)</sup> rei public. ger. praec. c. 21. 3.



personas agere, sed ut diversae personae a diversis hominibus agi viderentur. Etenim si spectatores animadvertissent unum eundemque histrionem complures partes agere, se non vera sed ficta videre cognovissent. Quod Richter<sup>1)</sup> in Antigoniae fabula Tiresiae personam protagonistae tribuit, cum Antigona, cuius partes idem histrio egisset, per Tiresiae personam tamquam ipsa sui ipsius ultrix videretur, nemo non intellet, in quantum errorem vir doctus inciderit, id quod iam Lachmannus in recensione illius Richteriani libelli recte exposuit.<sup>2)</sup> Poetae igitur, quantum fieri potuit, cavendum erat, ne histriones in personis agendis cognoscerentur. Imprimis autem ei in partibus distribuendis respiciendum erat, quae personae ad uniuscuiusque mores, indolem, aetatem, vocem, speciem, artificium quadrarent. Unde fiebat, ut mulierum partes plerumque uni eidemque histrioni darentur, cum, qui ad mulierum personas agendas natura accomodatus esset, item idoneus esse non posset ad heroes vel deos agendos. Ex ea re sane C. F. Hermann<sup>3)</sup> fluxit deuteragonistam plerumque mulierum personas subiisse. De qua re vir doctus ita disputat: Secundas autem partes, si simili modo certo alicui hominum generi tribuere oporteat, quod non solas illas nec solum tenuerit, tamen sua natura ita comparatum fuerit, ut singularem histrionis indolem requireret, haud scio an ipsa, quae modo posui, exempla persuadeant, simili ratione, qua reges tertias, muliebrem sexum secundas partes habuisse, cuius mores cum omnino constet, Sophoclem multo maiore cura et diligentia ad singularis eius indolis effigiem expressisse, haud profecto absonum fuerit, si huius potissimum inventi causa tertium ab illo actorem quasi medium inter duos Aeschyleos interpositum dixerimus. Quarum alteram opinionem, mulierum partes deuteragonistae, quantum fieri posset, datas esse, sagacem esse concedo, alteram vero minus verisimilem esse equidem arbitror. Namque Sophocles imprimis ea causa adductus esse mihi videtur, ut tertium actorem adiceret, quoniam ipse, tenuitate vocis impediatur, quominus personas agendas susciperet. Tertio autem histrione publice dato poeta utebatur, ut in tragoediis suis plures personas una in scaena loquentes induceret, chori carmina minueret, actiones in scaena celebriores atque aptiores ad alliciendos hominum animos redderet.

Quod denique Richter commemerat unamquamque personam ab eodem histrione peractam esse, ei adstipulor. Etenim C. F. Hermann ratio prorsus improbanda est, qui, ut exemplum afferam, in Oedipi Colonei fabula Thesei personam inter tres histriones distribuit. Sed hoc quidem addendum est haud raro personam, si muta fieret, ab homine, qui vocatur „*πρόσωπον κοῖνόν*“ susceptam esse, velut Aiakis mortui et Tecmessae personam, id quod iam in dissertatione mea explicavi. —

Poetas igitur non certas quasdam leges in personis inter histriones distribuendis secutos esse puto, sed parvo histrionum numero saepe coercitos fabulae partes suo

---

<sup>1)</sup> Richter. l. l. p. 49. sequ.

<sup>2)</sup> Jahrbücher von Seebode, Jahn, Klotz. Jahrgang XI. B. 31. S. 457: „Am wenigsten wird man dem Verfasser zugeben, dass es rührend sei, wenn einen Todesfall der Schauspieler, der den Todten dargestellt hat, selbst melde. Im Gegentheil, hat es der Dichter so eingerichtet, so muss der Darsteller nach der äussersten Unähnlichkeit in Stimme und Haltung streben, weil die Zuschauer gerade bei dem Ernsten geneigt zu possenhaften Gedanken sind“.

<sup>3)</sup> C. F. Hermann. l. l. p. 26

arbitrio, quantum fieri posset, pro histrionum indole atque artificio disposuisse. Quo factum est, ut non semper eodem modo partes distribuerentur, sed et pro iudicio eorum, qui fabulam agendam curarent et pro natura actorum distributiones fierent variae.

---

### III.

#### De distributione personarum in Aiace Sophocleo.

Iam in extrema parte dissertationis meae p. 44. sequi demonstrare studui in Aiace Sophocleo non unam tantum distributionem personarum a Graecis esse factam, sed pro artificio atque indole deuteragonistae et tritagonistae aut Richteri, aut C. F. Hermanni, aut Schoellii distributionem institutam esse.

Richter<sup>1)</sup> enim protagonistae Aiakis, Teucris; deuteragonistae Ulixis, Tecmessae, Menelai; tritagonistae Minervae, Nuntii, Agamemnonis personas, C. F. Hermannus<sup>2)</sup> quem Piederitus<sup>3)</sup> et Nauckius<sup>4)</sup> sequuntur, protagonistae Aiakis, Teucris; deuteragonistae Tecmessae, Ulixis; tritagonistae Minervae, Nuntii, Agamemnonis, Menelai partes dedit. Schoellius<sup>5)</sup> autem protagonistae Aiakis, Teucris; deuteragonistae Tecmessae, Minervae, Agamemnonis; tritagonistae Ulixis, Nuntii, Menelai partes attribuit.

Sed haudquaquam negaverim interdum hanc quoque distributionem esse factam, ut protagonista Aiakis, Teucris; deuteragonista Tecmessae, Minervae, Menelai, Agamemnonis; tritagonista Ulixis, Nuntii partes agendas susciperet. Richteri enim dispositione deuteragonistae 360 versus, tritagonistae 203 v., Hermanni dispositione deuteragonistae 297 v. tritagonistae 266 v., Schoelli distributione deuteragonistae 350 v. tritagonistae 213 v., mea distributione deuteragonistae 413 v. tritagonistae non plus 150 v., recitandi sunt. Unde liquet meam dispositionem tum institutam esse, cum deuteragonista histrio maioris ingenii atque artificii, tritagonista histrio ingenii atque usus exercitationis-que partium agendarum minoris esset.

Quod quo clarius intellegatur, in sequentibus distributionum, quae adhuc factae sunt, tabulas ante oculos ponam.

---

---

<sup>1)</sup> Richter. l. l. p. 46 et sequ.

<sup>2)</sup> C. F. Hermann. De distributione personarum inter histriones in tragoediis Graecis. Marburgi, 1840.

<sup>3)</sup> Piederit. Scenische Analyse des Sophokleischen Dramas Ajas Mastigophoros. Hersfeld, 1850.

<sup>4)</sup> Nauck. ed. Aiakis Schneidew. Berlin, 1865.

<sup>5)</sup> Schoell. Sophoclis Ajax. p. 118.

**C. F. Hermann et Richteri distributio.**

| Versus      | Protagonista. | Deuteragonista.                                  | Tritagonista.                                   | Chorus. |
|-------------|---------------|--|---|---------|
| 1.—90.      |               | Ulixes.  | Minerva.  |         |
| 90.—118.    | Aiax.         | Ulixes.  | Minerva.  |         |
| 118.—134.   |               | Ulixes.  | Minerva.  |         |
| 134.—200.   |               |  |   | Chorus. |
| 200.—348.   |               | Tecmessa.  |   | Chorus. |
| 348.—596.   | Aiax.         | Tecmessa.  |   | Chorus. |
| 596.—646.   |               |  |   | Chorus. |
| 646.—686.   | Aiax.         | Tecmessa.  |   | Chorus. |
| 686.—693.   | Aiax.         |  |   | Chorus. |
| 693.—718.   |               |  |   | Chorus. |
| 718.—787.   |               |  | Nuntius.  | Chorus. |
| 787.—815.   |               | Tecmessa.  | Nuntius.  | Chorus. |
| 815.—858.   | Aiax.         |  |   |         |
| 858.—894.   |               |  |   | Chorus. |
| 894.—977.   |               | Tecmessa.  |   | Chorus. |
| 977.—990.   | Teucer.       | Tecmessa.  |   | Chorus. |
| 990.—1047.  | Teucer.       |  |   | Chorus. |
| 1047.—1160. | Teucer.       | Menelaus<br>secundum Richteri<br>distributionem. | Menelaus<br>secundum Hermann<br>distributionem. | Chorus. |
| 1160.—1185. | Teucer.       |  |   | Chorus. |
| 1185.—1223. |               |  |   | Chorus. |
| 1223.—1225. | Teucer.       |  |   | Chorus. |
| 1225.—1316. | Teucer.       |  | Agamemnon.                                      | Chorus. |
| 1316.—1374. | Teucer.       | Ulixes.  | Agamemnon.                                      | Chorus. |
| 1374.—1402. | Teucer.       | Ulixes.  |   | Chorus. |
| 1402.—1418. | Teucer.       |  |   | Chorus. |

# **Schoellii distributio atque mea.**

| Versus      | Protagonista. | Deuteragonista.                              | Tritagonista.                                     | Chorus. |
|-------------|---------------|--|---|---------|
| 1.—90.      |               | Minerva.                                     | Ulixes.   |         |
| 90.—118.    | Aiax.         | Minerva.                                     | Ulixes.   |         |
| 118.—134.   |               | Minerva.                                     | Ulixes.   |         |
| 134.—200.   |               |  |   | Chorus. |
| 200.—348.   |               | Tecmessa.                                    |   | Chorus. |
| 348.—596.   | Aiax.         | Tecmessa.                                    |   | Chorus. |
| 596.—646.   |               |  |   | Chorus. |
| 646.—686.   | Aiax.         | Tecmessa.                                    |   | Chorus. |
| 686.—693.   | Aiax.         |  |   | Chorus. |
| 693.—718.   |               |  |   | Chorus. |
| 718.—787.   |               |  | Nuntius.  | Chorus. |
| 787.—815.   |               | Tecmessa.                                    | Nuntius.  | Chorus. |
| 815.—858.   | Aiax.         |  |   |         |
| 858.—894.   |               |  |   | Chorus. |
| 894.—977.   |               | Tecmessa.                                    |   | Chorus. |
| 977.—990.   | Teucer.       | Tecmessa.                                    |   | Chorus. |
| 990.—1047.  | Teucer.       |  |   | Chorus. |
| 1047.—1160. | Teucer.       | Menelaus<br>secundum meam<br>distributionem. | Menelaus<br>secundum Schoellii<br>distributionem. | Chorus. |
| 1160.—1185. | Teucer.       |  |   | Chorus. |
| 1185.—1223. |               |  |   | Chorus. |
| 1223.—1225. | Teucer.       |  |   | Chorus. |
| 1225.—1316. | Teucer.       | Agamemnon.                                   |   | Chorus. |
| 1316.—1374. | Teucer.       | Agamemnon.                                   | Ulixes.   | Chorus. |
| 1374.—1402. | Teucer.       |  | Ulixes.   | Chorus. |
| 1402.—1418. | Teucer.       |  |   | Chorus. |











Gs 32.367  
Quaestiones scaenicae.  
Widener Library 002421632



3 2044 085 169 043

